

# PRISCO

RVM NUMISMATVM AD NVREN  
bergensis Monetæ ualorem fa-  
cta æstimatio.

BILIBALDO PIRCKEYMHE-  
ro Patricio Nurenbergen.  
&c. Authore.

Addita sunt & aliorum aliqua  
quæ uersa pagina intelliges.

FRV BINGAE PER HVLDEN-  
richum Morhardum anno Dñi

M. D. XXXIII.



**Andreae Alciati libellus de ponderibus & mensuris.**

**Budęi quędam de eadem re. Item eiusdem breuiarium de asse & partibus eius.**

**Philippi Melanchthonis, de iisdem ad Germanorum usum, sententia.**

# IOANNI

GVLIELMO A LAVBEMBERG  
Nobilitate & doctrina Viro Clarissi-  
mo And. Ruttellius. S. D.



VVM TV NVPER  
Tubingam ueniens,  
me per quàm huma-  
niter in edibus meis  
uisitares, Gulielme  
nobilis atq; mea quę  
habeo, ueterum per-  
lustrares numismata

memori adhuc mēte teneo, nos alijs con-  
fabulatiōibus dimissis eò tandē etiā proue-  
ctos, ut & de ualore ac æstimatione eorun-  
dem, ad nostram monetam, commentare-  
mur. Verum hinc inde consertis opinioni-  
bus, id nobis quod & alijs accidit, ut sci-  
licet, incerti & dubij nostrę sententię pe-  
nitus ferē diffideremus. Neq; tamen id im-  
merito cum priscorum numorum explicā-  
di ratio, hætenus uel doctissimis etiā uiris  
molesta fuerit. Esse tamen aliquot scio, qui  
hoc negotium haud infeliciter susceperint  
peragendum, inter quos haud postremus  
est magnus ille Bilibaldus Pirckeymherus  
Patrícus Nurenbergen, clariss. qui præter

## EPISTOLA

summā eius doctrinam, insignem eloquentiam, omnium denique rerum experientiam haud parvam, uenerandæ quoque antiquitatis studium amplexus est, ac huius amoris ergo, totam hyemem hoc tempore; quo ego eius per quinquennium amanuensis fui, explorandæ ueteris monetæ impendit labori. Omnia siquidem numismata, aurea & argentea, item ærea, quorum omnium magnum acervum habuit, & ea, etiā quæ apud alios deprehendere potuit, exactissimè singula ad libellam appendit. Animaduertēs etiā eo tempore auri & argenti pretium, quo iustissime omnia examinare posset, cum Nurenbergensium tandem monetæ contulit ualore. Vt autē antiquitatis studiosi, hac sua diligentissima opera neutrquam fraudarentur, ac ipse sibi ipsi uixisse argueretur, haud dedignatus est compendio quodā perscribere, ut uel alijs etiā, ad quos aliquando perueniret, studium huiusmodi rei indagandæ adderet. Sed quum morte præuentus, pietatem singularem, quam in adiuuandis studijs habuit, præstare non possit, & ego unicus ab eo libellum hunc & habeam ac uerissime descripserim, consultum mihi uisum fuit, ut ego eius nomine officium hoc studiosis, & antiquitatis cultoribus, exhiberē, Siquidem ipsum  
etiam

## N V N C V P A T O R I A .

etiam neminem cōlatum fuisse sciam, sed ma-  
iora potius exhibitum ubi superuixisset,  
ut qui studijs prouehendis natus. Quare  
hunc suum laborem libello hoc, licet par-  
uo, pro paruitate tamen sua utilissimo  
contentum, ut commendatior fieret, tuo  
auspicio publicandum censui. Meretur  
hoc summum atque ad eò honestissimū an-  
tiquitatis studium, quod tu uel inter mil-  
le unus unice, & cum magno sumptu am-  
plecti & excolere soles, deserturus nun-  
quam uel ad aras usq̃. Meretur & summa  
humanitas tua, qua me ita prosequeris, ut  
qui maxime. Porro quia aliorum docto-  
rum uirorum studium atque laborem hac  
in re etiā extare sciam, unum atque alterū  
libellum quem consimili materia, ut dici-  
tur, & diderunt, huic Bilibaldi libuit adde-  
re, ne minimum quidem illis præripere  
uolens. Non enim dubito, quin negoti-  
um hoc complurium iudicio collato, cla-  
rius atque facilius explicetur. Sunt autem  
quæ addidimus D. And. Alciati, Phi-  
lippi Melanchthonis, item & Budæi, pa-  
ri paruitate, nec minori utilitate, conscri-  
pti libelli. Interim tu paruum hunc Bili-  
baldi benigno animo suscipe, uel uene-  
randæ antiquitatis amore, cui ille haud  
inter postremos, impiger adfuit patronus.

Bene Vale & Ruttellium tibi commenda-  
tum habe. Ex illustri Tubingensi a-  
cademia Di. XXI. Augusti.  
Anno Christi. M.  
D. XXXIII.

PRISCORVM NUMORVM AESTI-  
mario per Bilibaldum Pirckeymherum  
Patricium Nurenbergenſium.



DMODVM DIF-  
ficile eſt, priſcā mo-  
netam tam auri q̃  
argenti cum auro et  
argento ſeu mone-  
ta huius temporis,  
cōcordare maximē  
ob auri & argēti ua-  
lorē, qui aſſidue uariatur, idēq; monetario-  
rū culpa, quibus paſſim licentiā cudendę  
permittitur pecunię. Hi ſiquidē quotidie  
aliquid tam de auri ac argenti puritate, q̃  
pondere detrahunt, præcipuē belli tempo-  
re, & principibus cōniuentibus. Hinc acci-  
dit, ut ſemper pretiū auri & argenti augea-  
tur, monetarij eī quū licentiā habeāt mo-  
netā adulterādi, non multū de pretij curāt  
augmento, quū detrimentū illud abundē  
adulterando, ſupplere ualeāt. Mercatores  
etiam quoties monetarios obneceſſitatem  
aliquam emendī cupidos cernunt, aſſidue  
pretiū augent. Verum damnū illud in uul-  
gi, tandē etiā dominorū recidit caput quū  
redditus & uectigalia illorum ſemper uili-  
ori ſoluantur pecuniā. Sed præſens lucrū  
licet puſillum, magno futuro præfertur da-  
mno, nō ſine ingēti regnoiū, prouinciarū

ac populorū detrimento. Hinc est quod aureus Hungaricus, secundum quem communiter & aliud regulatur aurum, in maximū ascendit pretium. Nam nostra memoria, tres aurei Hungarici, quatuor ualebant aureos Rhenēses, & aliquādo etiā minus. Verum hoc æuo longe pretium hoc excesserunt. Proinde ut ad æstimationem ueteris monetæ quantum possibile est pertingamus, imprimis necesse est auri & argenti rationem, nec non pretium illorum hoc tempore cōsiderare, ita enim quā propinquē ad ueritatem accedere poterimus. Hoc igitur anno, id est, M. D. XXVIII, auri puri Marcha Nurenbergenfis ponderis, hoc est, uiginti quatuor charatorum, aureos ualebat Rhenenses nonaginta tres. Licet in hac arte periti negent, aurum ad uiginti quatuor charatos decoqui posse. Sufficit tamen ut de puro, quantum possibile est, intelligamus auro.

Aurum autem Hungaricum, ualebat marcha, hoc est, uncia octo, aureos Rhenenses octoginta nouē & aliquid plus. Continet autem aurum Hungaricum, uel continere deberet, charatos uiginti tres.

Aurum uero Rhenense, quod charatos continet decem & octo, & sic, nisi tres partes auri puri, aureos ualebat Rhenenses septua-



ptuaginta & parum plus. Ex marcha auri Rhenensis aurifabri non faciunt aureos septuaginta, quemadmodum deberent, sed septuaginta tres & aliquādo plus, & quicquid excedit, computant pro opera, ita fit etiam in aureis Hungaricis.

Argentum patrū memoria, ualuit marcha, hoc est, unciae octo, Rhenenses septem deinde ad octo ascendit, uerum hoc tempore ualet Rhenenses octo cum dimidio & aliquando plus. Rhenenses dico aureos, non moneram, nonnunquam uero aliquantulum minus. Sed hoc intelligendum de puro, quod subinde in moneta adulteratur. Facit autem marcha cum dimidia libram unam Romanam unciarum duodecim. Si igitur aurum purum, cum argento comparatur puro, conuenient fermè undecim partes argenti cum parte una auri. Licet antiquè communiter decem partes argenti pro una parte auri computauerint.

Aureus igitur Hungaricus, q̄ admodū cum ueteri auro conuenit, quantum ad puritatem pertinet, pondus habet drachmæ unius, illius ponderis quo argentum Nurenbergæ uenditur. Nam eodem pondere aurum & argentum ponderatur. Valet autem hoc tempore aureus Hungaricus aūreum Rhenensem unū cum tertia una & de-

# VET. NUMOR. AESTI.

narijs uiginti Nurenbergenfibus, compurando Rhenē ſempro libris nouē monetę.

Nunc uideamus quomodo aurei Hungarici & Rhenenſes cum ueteri concordent auro, quod & ipſum fere continet in bonitate ſcrupula uiginti tria. Verum antequā id fiat, exactius auri rationē intelligere eſt neceſſe. Igitur quemadmodum antiqui libram in duodecim diuiſerunt uncias, unciam autem in drachmas octo, drachmā in ſcrupulos tres, ſcrupulum in obolos duos, Obolum uero in ſiliquas tres, ita & nos ex modernorum facimus uſu, ac drachmā quoq; ita diuidimus ut habeat ſcrupulos tres, moderni uocant Say. ſcrupulus autem ut contineat charatos ſeptuaginta duos.

Hungarici igitur auri libra Romana uana, continet uncias duodecim drachmas uero nonaginta ſex, ualet igitur Rhenenſes aureos tredecim cum dimidio.

Mina uero ſeu pondo habet drachmas centum & ſic unciam dimidiam plus quā libra, & ualet aureos Rhenenſes centum triginta nouem, denarios ſedecim.

Vncia auri Hungarici, aureos Rhenenſes ualet undecim, denarios triginta tres.

At uncia dimidia eiufdem auri, Rhenenſes

nenses quinque cum dimidio, denarios sex decim.

Drachma quæ est pars octaua uncix, & aureus Hungaricus, ualet aureum Rhenense unum, libras tres cum dimidia, denarium unum.

Scrupulus ualet libras quatuor, denarios quinque.

Granum autem auri Hungarici, ualet denarios Nurenbergen, quinque.

Sanè ne hoc prætereundum quod charatus in auro dupliciter consideratur, hoc est tam in iudicatura quam in pondere, nempe ut aurum purum contineat charatos uiginti quatuor, uel circiter, insuper ut per Charatos etiam ponderetur, ita tamen ut quicquid de puritate decedat subtrahatur à ualore.

Nunc uero aureorum antiquorum pondus considerabimus, & primo græcorum, ex quibus plures appendi, utpote Philippi Alexandri, Prusix, Mithridatis, Demetrii & aliorum qui omnes ferè ex auro, constabant Hungarico, hoc est, uigintitrium charatorum, continebant autem in pondere ferè omnes pondus aureorum Hungaricorum duorum, hoc est, drachmarum duarum NVRENBEGEN. et præterea scrupulum unum. Valet

VET. NUMORI AESTI.

igitur unus Rhenēsestres, libras duas, denarios quinque. Cæterum triplices Alexandri Magni aureos repperi, ex primis ponderabat unus aureos ungaricos tres, alius Hungaricos duos cum scrupulo uno & dimidio, tertius uix dimidij Hūgarici æquiparabat pondus. Præterea inter aureos Romanorum, non paruum deprehendi differentiam, nam et bonitate et pondere multum distabant. Etenim à Iulio Cæsare usque ad Vespasianum auri ferè perdurabat bonitas, sed inde paulatim deficere cœpit, quauis etiam sequentiū Cæsarium aurei aliqui ex probò constent auro, ut plurimum tamen, quanto plus temporis effluerat, tanto etiam magis auri puritas ac pondus minuebatur. Repperi igitur aureos, sed paucissimos qui ferè eiusdem ponderis erant, ut græci, nempe drachmarum duarum cum scrupulo uno, & quod mirabar, unum talem Aurelianum Cæsarem deprehendi. At reliqui etiam qui erant ponderosissimi, duos aureos Hungaricos & grana duodecim non excedebant, ut plurimum tamen non plus quam grana sex continebant, inde recetiores, ueluti Diocletiani & reliquorum, non plus quam aureum unum Hungaricum ponderabant. Igitur si n̄ qui communiter drachmas duas cum granis quinque uel sex ponderant, cum  
auro

auro comparentur Rhenensi, ualebit unus aureos Rhenen. tres uel circiter. Romanū itaq; aureum pro tribus aureis Rhenensibus æstimamus, licet aliquid, sed parum plus, ualeat. Et hæc de auro dicta sunt, nunc uero ad argentum transeamus.

Si argenti marcham pro aureis Rhenensibus octo cum dimidio æstimabimus, licet iam aliquanto carius uendatur, ualebit libra Romana, Rhenenses duodecim cum quartis tribus. Verum id intelligi debet de argento puro, hoc est, cum marcha contineat in iudicatura uncias octo. Verum nūquam ea bonitate argentum cūsum est, sed ad summum ut de puritate drachmæ binę deessent, cōmuniter tamen ut haberet marcha uncias septem cum dimidia. Si igitur marcham unciarum septem cum dimidia æstimare uelimus, hoc est, ut semiuncia perfecta defuit puritate, ualebit marcha Rhenenses octo & parum plus. Libra uero Romana, hoc est, drachmæ nonaginta sex, Rhenenses quasi duodecim. Vncia uero ualebit Rhenensem unum, uncia dimidia Rhenensem dimidium. Drachma uero circiter denarios triginta tres. Scrupulus denarios Nurenbergenses undecim.

Græci denarii ponderosiores, ac magni quos appendi pentadrachmæ erant, pon-

derabant enim drachmas quinque, & ita ualebat unus aureum Rhenensem, dimidium & denarios Nurenbergen. triginta tres. Erant, & aliqui tetra drachmi, hoc est, drachmarum quatuor, minores uero ponderabant drachmam unam, scrupulum unum, ualebat ergo unus denarios Nurenbergen. quadraginta quatuor. Inter Romanos uero denarios non paruam repperi differentiam, nam antiquissimi quidam, maxime Consulium, ad quatuor scrupulos, quæ admodum græci, adpropinquabant. Alii uero & præcipue Cæsarum non ultra drachmam ponderabāt. Tertius uero de drachma aliquid decedebat, & quemadmodum deficiebant in pondere, ita etiam longius ab argenti aberant puritate, immo magna pars illorum erat adulterata. Si igitur drachmam unam Nurenbergensem, pro denario uno acceperimus, quemadmodum etiam pro maiori parte ponderant, & marcham pro uncis septem cum dimidia estimemus, ualebit denarius argenteus, Nurenbergen. denarios triginta tres, & hac ratio ne octo denarii argentei facient, quasi aureum Rhenensem unum. Undecim uero quasi aureum Hungaricum. Et hoc pacto quum nec aurum nec argentum ad plenam accedat puritatē, quasi undecim partes argenti cum

cum una parte auri, concordabunt, & si aliquid decedit hoc monetariorum fraus ademit. Cæterum nec hoc omittendum est, auri & argenti pondus, multum secundum regionesuariari, non secus ac libram, nam quod alicubi drachma est, id alibi quatuor ponderat scrupulos & è conuerso. Nos uero pōdus illud secuti sumus, quo Nurenbergæ aurum ponderatur & argentum. Quum igitur denarius argenteus ex drachma constet, ponderis Nurenbergen sium. Centū denarij, hoc est, mina una seu pondo, ualeat Rhenenses duodecim cum dimidio. Mille denarij, ualebunt aureos Rhenen. centum uiginti quinque quasi.

Sestertiū quatuor, uel numi qui erant ærei, ualebant denarium unum argenteum, & sic sestertius ualebat denarios Nurenbergen. quasi octo.

Sestertiū centum, ualebant aureum unū, sed qui iusti esset ponderis, Rhenenses uero tres, denarios triginta tres.

Mille uero Sestertiū ualebant Rhenenses triginta unum & quartam quasi.

Sestertium uero maius in neutro genere, quod non in ære sed argento intelligi



debet, minas duas argenti cum semisse continerebat, hoc est, drachmas uel denarios ducentos quinquaginta. Valebat igitur sestertium, aureos Rhenenses triginta unum, quatuor tam unam, & parum plus. Sestertium & mille sestertium unum & idem est, & ualeat, ut dictum est, Rhenen. triginta unum & quatuor tam quasi. Decem sestertia, & decem milia sestertia numorum, unum & idem est, & ualent Rhenen. trecentos duodecim cum dimidio. Centum sestertia ualent, Rhenensium tria milia, centum uiginti quinque. Decies sestertium, decies centena milia sestertium significat, & hæc summa centies maior est decem sestertijs, nam idem est decies sestertium quod mille sestertia, ualeatque Rhenenses semel & triginta milia, ducentos quinquaginta. Centies sestertium designat centies centena milia sestertium numorum, & ualeat Rhenenses trecentum, & duodecim milia quingentos. Milies sestertium ualeat semel & triginta centum, & uiginti quinque milia.

Ex Talentis autem licet multa extiterint, duo tamen præcipue in usu fuere, talentum magnum Atticum, quod & Euboicum dictum est, & talentum Atticum minus. Talentum magnum Atticum seu Euboicum continebat minas octoginta, & ualebat talentum magnum



magnum auri Rhenen. decem milia non in-  
gentos sexaginta quinque uel circa. Talentū  
uero magnum seu Euboicum argenti, uae-  
lebat Rhenensium mille uel circiter. Ta-  
lentum Atticum Minus, habebat minas  
sexaginta, & ualebat talentum auri, Rhe-  
nenses quasi octo milia, trecentos quadra-  
ginta quatuor. Talentum uero Atticum  
minus, argenti, ualebat Rhenen. septingen-  
tos quinquaginta. Talentum Babylonicū  
habebat minas septuaginta. Talentū Aegi-  
netum continebat minas centum.

Cæterum ut etiam de ære dicamus scien-  
dum ubi legimus milia eris grauis, ibi mi-  
lia assium intelligere debemus. Et licet de-  
narius urgente Hannibale pro sedecim as-  
sibus permutatus sit, in militari tamen sti-  
pendio, semper denarius pro decē assibus  
datus est. Valuit itaque Nurenbergen. De-  
narios tres & paulo plus. Centum igitur as-  
ses decem faciebāt denarios. Mille uero as-  
ses, seu mille æris, centum ualebant denari-  
os, hoc est, minam unam, sicque ualebant au-  
reos Rhenenses duodecim cum dimidiō.

Quadrātes quatuor, ualebāt assem unū,  
Sestans quadrante minor erat.

Ut igitur rursus, & quasi à lare inchoe-  
mus Denarius seu drachma argenti ualuit

VET. NUMOR. AESTI.

Denarios Nurenbergensium circiter trīginta tres.

Denarij centum, hoc est, mina una seu pondo ualeat aureos rhenen. duodecim cū dimidio. 12  $\frac{1}{2}$

Mille Denarij, hoc est, decem pondo, ualent rhenensium centum uiginti quinq; ferè. 125

Sestertiū quatuor, uel numi qui ærei erāt ualebant denarium argenteum unum. Sestertius ualebat denarios Nurenbergensium quasi octo. Sestertiū centum ualent aureum unum Romanum, sed qui iusti esset ponderis, rhenensium uero tres cum denarijs trīginta tribus. 3 8 33. Mille Sestertiū ualent rhenensium trīginta unum cum quarta quasi. 31  $\frac{1}{4}$

Sestertiū in neutro genere, ualeat rhenen. trīginta unum cū quarta ferè. 31  $\frac{1}{4}$

Sestertia decē ualent rhenen. trecentos duodecim cum dimidio. 312  $\frac{1}{2}$

Sestertia centū ualent rhenen, milia tria centum uiginti quinq;. 3125.

Sestertia ducēta ualent rhenen, milia sex ducentum quinquaginta. 6250

Sestertia quadraginta rhenen, milia duo decim quingentos. 12500.

Sestertia quingenta rhenen, quindecim milia sexcentū uiginti quinq;. 15625

Sester=

Sestertia sexcenta rehenen. decē & octo milia septingentos quinquaginta. 18750

Sestertia septingenta rehenen. milia uiginti & unum octingentos septuaginta quinque. 21875

Sestertia octingenta rehenensium uiginti quinque milia. 25000

Sestertia noningenta Rhenensium, uiginti octo milia centum uiginti quinque. 28125.

Sestertia mille, rehenensium triginta quatuor milia, trecentum septuaginta quinque. 34375

Decies Sestertium, id est mille Sestertia rehenen. milia unum & triginta ducentum quinquaginta. 31250

Duodecies Sestertium, rehenensium triginta sex milia septingentos quinquaginta. 76750

Quindecies Sestertium rehenen. quadraginta quinque milia noningenti septuaginta quinque. 45975

Vicies Sestertium rehenen. duo & sexaginta milia quingenti. 62500

Quadrages Sestertium rehenen. centum & uiginti quinque milia. 125000

Quinquages Sestertium rehenen. centum & quinquaginta sex milia ducenti quinquaginta. 156250

VET. NUMOR. AESTIM.

Sexagies Sestertium Rhenensium centū  
& octoginta septem milia quingenti.  
187500.

Centies Sestertium rhenen. trecenta &  
duodecim milia quingenti. 312500.

Quadringenties Sestertium rhenen. duodecies centena & quinquaginta milia.  
1250000.

Quingenties Sestertium rhenen. quindecies centena & sexaginta duo milia quingenti. 1562500.

Milies Sestertium rhenen. semel & trigesies centena, nec non uiginti quinque milia quingenti. 3125000.

Libra auri Hungarici quod idem est, cū Romano auro ualet Rhenen. centū triginti tres cum dimidio. 133  $\frac{1}{2}$

At mina seu pondo rhenen. centum triginta nouem denarios sedecim, quia continet quatuor drachmas plus quam libra.  
139. 8. 16.

Talentum magnum auri quod & Euboicum ualet rhenen. decem milia noningentos sexaginta quinque. 10965.

Talentum minus auri ualet rhenen. octo milia trecentum quadraginta quatuor.  
8344.

Pondo argenti seu mina ualet rhenensium duodecim cum dimidio, 12.  $\frac{1}{2}$

Talentum

Talentum magnum argenti ualet Rhenenses mille. 1000

Talentum minus argenti ualet rhenensium septingentos quinquaginta. 750.

Talenta quinque argenti minora Rhenensium tria milia septingentos quinquaginta. 3750.

Talenta decem rhenensium septem milia quingentos. 7500

Talenta quindecim rhenensium undecim milia ducentum quinquaginta. 11250.

Talenta uiginti rhenensium quindecim milia. 15000.

Talenta uiginti quinque rhenensium decem & octo milia septingenti quinquaginta quatuor. 18754.

Talenta triginta rhenensium uiginti duo milia quingenti. 22500.

Talenta quadraginta rhenensium triginta milia. 30000.

Talenta quinquaginta rhenensium triginta septem milia quingenti. 37500.

Talenta centum rhenensium septuaginta quinque milia. 75000.

Talenta ducenta rhenensium centum quinquaginta milia. 150000

Talenta quadringenta rhenensium trecentum milia. 300000.

VET. NUMOR. AESTI.

Talenta quingenta rhenen. trecentū septuaginta quinque milia. 3755000

Talenta mille rhenen. septingenta quinquaginta milia. 750000

Talenta duo milia Rhenensium centies & quinquagies centena milia. 1500000

Talenta decem milia Rhenensium. 7500000.

Siclus teste Hieronymo & Iosepho quatuor Drachmas argenti ualebat, Græcis est Stater.

SVMP TVVM QVORVNDAM  
æstimatio.

**S**ingula persica, ualebant Romæ nummos triginta, hoc est, libras Nurenbergen. tres, denarios nouem.

Par columbarū, quod uendebatur pro ducentis numis, faciebat aureos Rhenen. sex & quartam. Si quadringentis, duodecim rhenen. cum dimidio. Si promille numis, quemadmodum eximia uendebantur, ualebant rhenenses tredecim & quartā.

Pauones singuli, quinquaginta denarijs uendebantur, hoc est, rhenensibus sex & quarta.

Turdi tribus uendebantur denarijs.

Pedici

Pediti Romano decem asses quotidie pro stipendio dabantur, hoc est, denarius unus.

Pena Camilli à populo indicta, quinde cim milia grauis æris, id est, sex milia nummum, ualuit, Rhenen. centum octoginta septem cum dimidio.

Prima Classis census à Seruio Tullio instituta fuit, quæ centum milia æris uel supra habuit, ualuere autem rhenen. mille ducentos quinquaginta.

Secunda Classis fuit eorum qui habebant incēsu sepruaginta quinç milia, hoc est rhenen. nongentos triginta septem cū dimidio.

Annua centena, quæ Vespasianus latinis & græcis rhetoribus constituit, aurei rhenenses fuere ter mille centum uiginti quinç.

Cœna Pompeio & Ciceroni à Lucullo in Apolline data, impendia quinquaginta milium ualuit, rhenen. mille quingentos uiginti duos cum dimidio.

Mancipia communiter ueniebant mille drachmis, hoc est Rhenen. centum uiginti quinç, pretiosiora uero mille quingentis drachmis, hoc est, Rhenen. centum octoginta septem cum dimidio.

Servi lectores, uendebantur centum milibus numorum, hoc est, Rhenen. mille ducentis quinquaginta.

Coci, Parasiti, & uinitores, uendebantur Rhenensibus ducentis quinquaginta duobus eodem pretio uendebantur & Equi.

Captiui Romani, ab Achæis redempti, à Flaminio admoniti, statuerunt pretium pro capite, Denarios quingentos, hoc est, Rhenenses sexaginta duos cum dimidio.

Crassi domus sexagies Sestertio æstimata, ualuit rhenen. centum octoginta septem milia quingentos.

Cicero uigies Sestertio habitauit, hoc est rhenen. 62500.

Pomponius Atticus Ciceroni è patria fugienti, ducenta quinquaginta Sestertia donauit, hoc est, rhenen. septē milia septingentos duodecim.

Caput Ciceronis, ab Antonio decies Sestertium est licitatum, hoc est, triginta unū milibus ducentis quinquaginta.

Virgilius pro singulis uersibus dena ab Octauio accepit Sestertia, hoc est, pro singulis uersibus Rhenen. trecentos duodecim cum dimidio. Virgilius possedit centies Sestertium, hoc rhenē. trecenta & duo decim milia quingentos.



Cœne ab Augusto taxatæ fuere ducentis Sestertijs, hoc est, rhenen. sex cum dimidio. Diebus uero festis Sestertijs trecentū, hoc est, rhenen. nouem, lib. tribus, denarijs nouem. Repotijs uero, hoc est, postridie, post nuptias. Sestertijs mille, id est, rhenen. triginta uno & quarta.

Tot Cæsar uiritim populo legauit.

Bucephalus Alexandri, emptus tredecim talentis ualebat Rhenen. nouem milia septingentos quinquaginta.

Speusippi libri, ab Aristotele tribus empti talentis, ualere rhenen. duo milia ducentos quinquaginta.

Libri Philolai à Platone empti ualere tredecim milia noningentos sex.

Laidis postulatio à Demosthene pro concubitu, decem milia denariorum fuere rhenen mille ducenti quinquaginta. Si uero cētum petijt Sestertia ut quidam uolūt, fuit pretium rhenen. tria milia centum uiginti quinque.

Equestris census sub Iulio quadringentis Sestertijs constitit, hoc est rhenen. duo decim milibus quingentis.

Augustus auxit censum senatorū à quadringentis Sestertijs ad Sestertia mille ducenta, hoc est, rhenen. triginta septem milia ducentos septuaginta quinque.

VET. NUMOR. AESTI.

Isocratis oratio uiginti talentis uendita ualuit rhenen. quindecim milia.

Erasistratus, sanatorege Antiocho, centum talentis donatus est, hoc est, aureis rhenen. sepuaaginta quinque milibus.

Aristidis Thebani pictoris tabula totidem aestimata fuit.

Aes alienum Cæsaris, pro quo Crassus sponpondit octingentorum & triginta talentorum fuit, hoc est, aureorum rhenen. bis & sextagies centena, & uiginti quinque milia.

Cæsar quū in Hispania diceret bis milies & quingenties centena milia sibi adesse oportere ut nihil haberet, faciunt hæc 250000000. rhenenses.

Diuitiæ Crassi, talenta ducenta quinquaginta faciunt rhenen. 4625000

Cæsar Seruiliæ margaritam emit, sexagies Sestertium, hoc est centum & octoginta septem milia quingentis rhenen.

Cleopatæ margarita, ualuit centies Sestertium, id est, rhenen. trecenta & duodecim milia quingentos.

Apelles pictor Alexandrum uiginti talentis auri pinxit, hoc est rhenen. 166880

Mullus sex milibus, scilicet, æris apud Iuuenalem emptus, facit rhenen. centum octoginta septem cum dimidio.

Coruus

PER ILIBAL. PIRCK. 14

Coruus ab Augusto uiginti sestertijs emptus, ualuit rhenenses sexcentos uiginti quinque.

Demosthenes quindecim talenta ex patris hereditate accepit, hoc est rhenenses undecim milia ducentos quinquaginta.

FINIS.

ταθ

# ANDREAE

ALCIATI IURISCONSULTI

de Ponderibus & Mensuris libellus,  
ad clarissimum Iureconsultum, &  
Cæsareum Senatorem, D. Hiero-  
nymum Archintum Medi-  
olanensem.



VMVNA DE COM-  
munibus studijs uer-  
ba faceremus, & de  
ueterū mensuris mē-  
tio incidisset, dixisti  
eū tibi tractatū pob-  
scurum uideri, nec in  
ea re oīno tibi place-

re, quæ à recentioribus, Budæo, Portioq;  
traduntur, quorum alter & si Græce Lati-  
neq; doctus, magnēq; eruditionis uir, quid  
in hoc argumento difficultatis subesset, dif-  
fusissime quidem ostenderit, nō tamen dis-  
fidentes simul tot auctores conciliarit, al-  
ter uero in cæteris diligentissimus, hac in  
re tam suspensa manu scripserit, ut nō mul-  
to studiosis usui esse possit. Ambo certe in  
mensurarū ponderibus inuicem discrepēt  
dubiumq; relinquunt, utri magis adhiben-  
da sit fides. Rogasti itaq; me, uel potius co-  
egisti,

egisti, ut sententiæ te meæ certio-  
 rem, nō potui precibus tuis diutius aduer-  
 sari, cum ob immensum meū erga te amo-  
 rem, ( nec cōquieuerat Leopoldus Dycki-  
 us meus, subinde ad hoc generis studiū ad-  
 hortans, ut totius rei literariæ, tum præci-  
 pue Iuris professoribus quàm liberaliter  
 gratificarem) tum quod publica etiam stu-  
 diorum causa, quàm citra præuaricationis  
 notam deferere non possum, me hortaba-  
 tur, ne freti tantis ducibus, Studiosi in u-  
 tramq; aurem dormientes, uel à uero aber-  
 rarent, uel incertiores quam prius, queren-  
 dum amplius censerent. Nec uero ferre ini-  
 quo animo hoc ipsi debent, qui supra o-  
 mnem inuidiæ aleā positi, quod in se fuit,  
 primi rem foelicissime aggressi sunt, si de-  
 inde alijs atq; alijs artificibus inuentū su-  
 um clarius illustriusq; reddatur, cōcedant  
 mihi, quod etiam parci agricolæ non  
 solent prohibere, ut post optimorum  
 uindemiatorum terga racematio-  
 nem faciam, illectam ue stipulā  
 post mēssores colligam. Tu  
 uale, & lege foeliciter.

Sextari  
us

**I**N primis inter authores id cōstat, quod in ponderibus est As, in Geometricis mensuris Pes, in aridorum uel etiā hūmentium mensuris esse apud Romanos Sextarium, principium uidelicet quoddam, ad quos cæteræ maiores mensuræ referuntur. Quo fit, ut qui eius certam scientiam habuerit, facile sequentiā intelligat, qui nō habuerit, quanto magis progreditur, tanto profundius fallatur, & toto (quod aiūt) aberret cœlo. Sextarium ergo Isidorus uiginti quatuor Vnciarum esse definiuit, cuius sententiæ assertor uideri potest Africanus, qui Libram esse Sextarij dimidiū scripsit. Et Plinius dum Hemina (quæ dimidium Sextarij capit) esse & Minam author est, subditq; in ea Drachmas Atticas centum esse. Addunt & in eandem sententiam quasdam rationes recentiores quidā, quæ rem in coniecturā potius deducunt, quàm in probationis fidem. Ego non uideo, quid hosce summi iudicij homines impulerit, ut Isidorum nequaquam bonum authorem opinatissimis scriptoribus prætulerint, & quibus Plinius Lib. xxi. capite ultimo, Cyathum pendere Drachmas decem scripsit, unde cum in Sextario constet duodenos esse cyathos, consequens est, Sextarium nō xxiij. Vncias, sed Drachmas, cxx. hoc est, quindecim

quindecim Vncias pendere. Idem à Rhem-  
 nio Fannio Palæmone in carmine de pon-  
 deribus proditum est, quod opus nomine  
 Prisciani uulgo circumfertur, ubi de Cya-  
 tho loquens, bis quinque, inquit, hunc faci-  
 unt Drachmæ, si appendere uelles. Sed &  
 Græci *ξέσημ* suum, quem Sextarium Plini- *ξέσημ*  
 us solet appellare, Libræ esse scripserunt u-  
 nius, itemque Semissis. Sic Paulus Aegineta,  
 sic & interpres Nicandri, sic & Suidas ipse  
 in dictione *μέδιμνος* prodidit. Huic senten-  
 tiæ etiā accessit Serapion Arabs Medicus,  
 qui apud Dioscoridem libro primo, capi-  
 te de Pinu, quod Græce legitur, tres Cya-  
 thos, quatuor Vncias, ipse transtulit, con-  
 stat autem Cyathos duodecim in Sextario  
 esse. Accedit his, quod in confesso est, Modi-  
 um Sextarios sedecim continere. Quapro-  
 pter ex Isidori ratione xxxij. Libras pende-  
 re deberet, & tamē Plinius Libro xviij. au-  
 thore est, Modium tritici leuissimū pendere  
 Libras uiginti, grauissimum Libras xxvij.  
 & Dodrantem. Sed & Iuuenalis Satyra se-  
 xta mulierem quandā describit, quæ quo-  
 niam uirum omne purum, ut Dioscorides  
 libro quinto scribit *ὀρεκτικόν* est, ipsa ante  
 cibū quo appetentiam excitaret de Oeno-  
 phoro, quod ut sola biberet, ante pedes ser-  
 uabat, alterum Sextarium duceret. Vnde



ostenditur haud quaquam tantæ mensuræ  
 Sextarium fuisse, alioquin bibacissima fuisset  
 existimanda, quæ uel duos Sextarios in  
 tegro prandio sorbillaret. His igitur ratio  
 nibus arbitror Isidori sententiam ueram  
 non esse. Quid ergo censendum? ipse men=  
 suras siue humidorum, siue arentium, eius=  
 dem ponderis non esse, & apud Nicandri  
 interpretem, & apud Palæmonē legi. Qua  
 propter, si uasculum, quod Sextarium tri=  
 tici capiat, pondusque unciarum sedecim ha=  
 beat, quis aqua uel uino impleuerit, uigin=  
 ti fere uncias efficiet, grauius enim est ui=  
 num seu aqua non solum tritico, sed etiam  
 oleo. Mel quoque utpote grauissimum, pon=  
 dere à cæteris differt, ita ut in duabus qui=  
 busque Libris Selibra supersit, si con=  
 feratur oliuo. Cum ergo in pondere men=  
 suræ huiusmodi differant, arbitror ueteres  
 in cōmune constituisse, ut Vnciarum quin=  
 decim esset Sextarius, ut quod uas leuissi=  
 mi tritici Vncias quindecim cōtineret, Se=  
 xtarius esset. Sic de aqua, oleo, melle, cæte=  
 risque, siue aridis siue humentibus. Nam &  
 huius ponderis, ut infra ostendā, fuit etiam  
 Græcorū ξέσῃς, sic opinor à Sextario nostro  
 dictus. Hæc enim uox apud ueteres Ari=  
 stotelem, Theophrastum, Herodotū, idque  
 genus scriptores non inuenitur, sed apud  
 Dioscorum



Dioscoridem, Paulum Aeginetam, & huiusmodi, qui rerum potētibus Romanis, & Latina lingua etiam in prouintīs recepta, floruerunt. Cum itaq; constituerimus quid sit Sextarius, cætera nullius difficultatis sunt. Dimidium Sextarij Hemina est, **Hemina** quā aliqui Græci corrupte Minam appellant. **Mina.** Hincq; factū est, ut pleriq; bilibrem Sextarium crediderint, quod unius Libræ Minam esse cognouerant, quo in errore recentiores hosce præiuisse uidentur, quos supra retuli, Africanus & Plinius. Et ut demuseos ita scripsisse, utrumq; id defendit, quod ab alijs scriptoribus accepta referūt, quorum fidem ipsos præstare minime conuenit, alioqui Plinius pugnantia dixisset, cum decem Drachmas pendere Cyathum affirmer: mihi tamen uerisimilius uidetur, scriptorum incuria codicem corruptum, qua de re infra quoque diserturus sum. Doctiores enim Heminam hanc non Minam sed Cotylam uel Tryblion dicunt, hæc senis Cyathis constat, qui & Sextarij uncia **Cotyla.** dici possunt, qua ratione dicimus, Sextanrem, Quadrantem, Trientem, deuncem, **Sextans** Quadrās duos, tres, quatuor, undecim Cyathos. Sex **Triens** rarios quatuor Chœnix continet, quam in **Deunx** terpres Nicandri pendere Libras sex aut **Chœnix** thor est. Est & alio pondere apud Atheniē

# AND. ALCI. DE PONDE

Congius

ses Choenix. Sed nunc de Romanis mensuris loquar. Congius Sextario nomen dedit, sex enim Sextarii eum efficiunt, is *χούρις* Græce dicitur, & ut Suidas scribit, differt ab ea mensura, quæ *χοίρις* dicitur: est enim illa *διζέσης*, hoc est, duorum Sextariorum. Quam tamen differentiam nusquam alibi proditam memini, nec Palæmon ipse agnouit. Modius Sextarios habet sedecim. Romana uox, quam Medimnum Græcis esse Politianus credidit, in quam sententiam etiam iuisse uideo Ysichium & Lucianum, qui in Dialogo Alexandri & Annibalis cæsorum Romanorum annulos *μεδίμνοις* mensos fuisse tradit cū Titus Liuius, & cæteri Latini, unde ipse sumpsit, Modijs dicāt. Sed certe nō uidetur Græci Modiū Latinum satis intellexisse. Medimnus enim maior est, ut q sex Modios habeat. Quamuis Siculū Medimnum quinq; Modiorum esse, Cicero in Verrem ostendat, & Atticum Medimnum septem Modiorum, Cor. Nepos in uita Pomponij Attici scripserit. Sed ipse suspicor corruptum numerum, qui ex his, quæ inferius dicturus sum, corrigendus sit. Suidas quodam loco Modium arbitratur duodecim Sextariorū esse, quæ sententia doctissimis scriptoribus repugnat. Vrna Sextarijs uiginti

Modius.

Medimnus.

Vrna.

ginti quatuor cōficitur, ut libro ultimo, ca.  
 xx. Columel. scribit, cuius duplū est, Qua=  
 drātal siue amphora eodem authore. Am=  
 phoras xx. Culeus habet. Sane amphoram  
 cū Gręci significāt ἰταλικὸν κεράμιον solēt  
 appellare, capit enī Congios octo, qui sunt  
 Sextarij xlvij. Nam Amphora Gręca, quā  
 masculino genere ipsi τὸν ἀμφορέα vocāt,  
 à nostra multum distat, ut quæ solū xxxvi  
 Sextarios nostros contineat. tamen si Atti=  
 ca amplior sit, ut infra dicam. Sed & Me=  
 dimnus Atticus à cæteris non parum dif=  
 fert, is Chœnicas octo & quadraginta cō=  
 plectitur, cuius dimidium est Semimedim=  
 nus, tertia pars triteus, id est, Tertiarius se=  
 decim Chœnicum. Sexta pars ἑκτης, id est,  
 Sextarius, octo Chœnicas habens, cuius di=  
 midium est ἡμίεκτον. Aristophani in Nubi=  
 bus, quatuor Chœnicum, qui & Tetrame=  
 trum ibi appellatur. Metron enim, ut eius  
 Poetæ interpres attestatur, præcipue Chœ=  
 nica appellabant, ex eo quod illa principij  
 sit omnis ferè mēsuræ, quapropter & a qui=  
 busdam Libra dicta est, sed improprie. Vi=  
 detur Rhemnius Palæmon nō ipsam Chœ=  
 nicem, sed eius dimidiū Libram appellasse  
 dum Atticam Libram commemorat pon=  
 deris Drachmarum lxxv. Erat autem Chœ=  
 nix, ut Iul. Pollux, et Stuidas, et interpres Ni

Quadrā  
 tal.  
 Amphor=  
 ra.  
 Culeus.

Medim=  
 nus Atti=  
 cus.  
 Chœnix

Sextari=  
 us.  
 Tetrame=  
 trum.

Libra.

Chœnix

AND. ALCI. DE PONDE=

candri ait, Cotylarum trium, id est, ut idē  
 interpretis inquit, septem & uiginti unciaſ  
 Græcarum, quantum uidelicet in dies sin=  
 gulos panis solebant ſeruſ antiqui demeti=  
 ri. Vnde apparet Chœnicis Atticę differē=  
 tia ab alia communi Græcorum Chœnice,  
 quæ Sextariorū quatuor erat. De hac At=  
 tica intellexit Herodotus libro ſeptimo,  
 dum quinquaginta & xxviij. hominū My=  
 riades, quas in Græciam Xerxes duxit, ab=  
 ſumere potuiſſe Medimnorum Myriadas  
 undecim ſcribit, ſi ſingulis hominibus Chœ=  
 nix tritici fuiſſet ad menſa. De hoc Medim=  
 no etiā Suidas intellexit, dum Medimnum  
 ſcripſit Sextariorum eſſe lxxij. & pendere  
 Libras cētum & octo. Hincq; etiam oſten=  
 ditur, Athenienſium menſuras à ceterorū,  
 tam Græcorum q̃ Latinorū menſuris plu=  
 rimum differre, quod & in uncia, Libra, et  
 Choëo, & Amphora, & Mina dicendū eſt.  
 Et primo de uncia loquamur. Scribit Plī=  
 nius libro uigeſimo primo, in drachma Ac=  
 tica ſex eſſe Obolos, in Obolo Chalcos, id  
 eſt, Aereolos decem, in Obolo uero Græco=  
 rum cōmuni octo tantummodo Chalcos  
 eſſe, Iul. Pollux libro nono, Paulus Aegine=  
 ta, & cæteri tradunt, quo fit, ut Vncia Atti=  
 ca, quæ eadem cum Romana eſt, Chalcos  
 habeat cccclxxx, cum Vncia Græca ſolos  
 habeat

habeat cccclxxxiiij. Merito ergo Cornelius Celsus libro quinto, capite xvij. in Vncia Græca pondus septem Denariorum esse tradit, cum alioqui Latina & Attica uncia Denarios habeat octo, rament si nec eius ratio omnino quadret, quandoquidem id septem denariorum pondus aliquanto grauius est Vncia Græca, sed maluit Celsus paulo ampliorem modum dicere, quàm leuiorem, quod fecisset, si sex Denarios in Vncia solos constituisset, containeret enim Chalcos præterea quatuor & uiginti, Eadē ratione factum est, ut cū Sextarius Romanus quindecim Vnciarum sit, ut supra dixi, Græci suo Sextario uncias octo & decem attribuant, quod uidelicet Vncia cōmunis ipsorum nostra itemque Attica leuior sit, in pondereque decem & octo Vnciæ ipsorum, & quindecim nostræ ferè nihil differant. Et hæc de Vncia satis. Nunc de Libra uideamus, Libra. quam illi λίτρα dicunt, & minimū fuit ponderis, uidelicet Stagiorō, id est, Sextularum trium, ut interpret Nicandri scribit, de qua multe quoque Iul. Pollux scripsit, cui opinio nī ad stipulatur etiam Ysichius, qui λίτρα interpretatur Siclū, qui idem est cū Stagis tribus, & tamen Libra Græca communis ipsa quoque est Vnciarum duodecim. Est & alia Attica Libra, cuius meminit Rhēnius

AND. ALCI. DE PONDE

Palæmon, ponderis Drachmarum lxxv. quarta uidelicet parte minor nostra Libra cuius supra mentionē fecimus, sed improprie hanc Libram uocitari supra dixi. De

**Choeus** Choco non minor est uariatio, nam Choa Græcum supra diximus Latinum Congiū esse, continereq; sex Sextarios. At Diuus Hieronymus Cōmentariorum in Ezechielem libro primo, Choa Atticum, Sextarium Italicum esse dixit. Quam sententiā ne improbem, autoritas quoq; Plinij facit, qui libro decimoquarto de nectarite uino uerba faciens, quod apud Dioscoridem fieri legerat. Vncijs quinq; radicis *εἰς χοῶς* quicq; musti additis, uertit in Sextarios sex, ut Atticum Choa apud authorē (quisquis fuit, seu Dioscorides, seu alius unde ipse accepit) legisse eum credam. De eo etiam in-

**Rhyton** tellexisse Athenæum arbitror, qui Rhyton (cuius uasis etiam Martialis meminit) describēs, simile esse cornui dicit, et duos Choras capere, & ideo solis heroibus dari, utpote bibacioribus Nam & regibus Spartanorum in conuiuio Corylas binas dari solitū fuisse, apud Herodotum legi, cum cæteris sola Coryla daretur. Vnde ostenditur aliquanto parciores uini ueteres fuisse, quàm nunc nostrates hoies sint. Nā & Græca cantio Plauti in Sticho, solos denos Cyathos concedit,

concedit. Horatius nouem, quoniam tres prohibet supra, rixarum metuens tangere gratia. Interpret tamē Aristophanis, & Suidas ab hac sententia dissidere uidētur, qui corylas octo in Attico Choeo esse dixerūt, quasi Athenienses cum in Chœnice à cæteris dissentirent, quā alij Chœnica dicebant ipsi Choa appellarent. Quo fit necessario, ut duplicē Choa eos habuisse dicendū sit: alterū, quo in humidis forte utebant, minore. alterū, quo in aridis maiore, uasculū enī triticiū Chœnice angustius nullū ipsi habebant. Amphora quoq; nō eadē Atheniensi bus & cæteris Græcis fuit. Quandoquidē Palæmon scribit, nostra amphora Atticā maiore etiā Vrna fuisse, unde cōsequens est ut Sextarios habeat duos & lxx. siq; eadē mensura, quā illi Medimnū dicūt, nisi quod hæc liq̃dorū, ille tritici erat. Cæteri Græci, ut interpret Nicandri scribit, etiā Metretā appellant, uel Cadū, ut et Palæmon ait, nā Metreta & Cadus idem sunt, ut ex quorundam sententia etiam Pollux refert. Hesychius quoq; Amphoram & Cadum interpretatur esse ὁ κρηάριος. Nec me mouet, quod in impressis Dioscoridis codicibus libro 5. ubi de Helleborite uīno agit, Metretā Chōasi, id est, x. pendere legatur, nam corruptissimum illū locum quisquis legerit, faci

Amphora.

Metreta  
Cadus.



le deprehendet, deesseque arbitror β. ut scri-  
pserit Dioscorides Metretā esse Chōas β  
id est, duodecim, quæ mēsurā est Sextario-  
rum lxxij, nec ab his quæ communi consen-  
su tradūtur, ex singulari aliquo testimonio  
facile recedendum est, cum maximē lubri-  
cus Græcis sit error, in mensurarum præser-  
tim notis. Apud Syros tamen Metretam  
Sextariorum cxx fuisse, interpret Nicædri  
scribit, sic ut Medimnum Sextariorum cñ  
apud eosdem, ut opinor, Syros. Censeo igitur  
Metretam, Cadū, Medimnū, Ampho-  
ram Atticam eiusdem fuisse pōderis, ut ui-  
delicet Amphorā nostram pendeant itēq;  
Vrnam. Hieronymus in Esaiam libro secū-  
do κεράμιον interpretatur non Amphorā  
sed Lagunculam, uerum ad formam uasis  
magis respexisse mihi uidetur, quam ad pō-  
dus. Superest ut de Mina dicamus. Et At-  
ticam centum Drachmarum esse, notius est  
quā ut probatiōe indigeat. Quapropter  
& Plinius supradictō libro xxi. capite ulti-  
mo sic legi posset, ut Minam scribat, quam  
& nostri Minā uocant, habere Drachmas  
Atticas centum, quem locum ita etiā à ple-  
risq; recentioribus correctum uideo. Cæte-  
rorum autem Græcorum, Paulus Aegineta  
Minam unciarum esse sedecim author est,  
Romanā uero unciarum uiginti. At inter-  
pres

Mina.



pres Nicandri Minam simpliciter unciarū  
 esse sedecim, & ipse scripsit. Quæ uero Ita-  
 lica Mina uocetur, esse librę unius semissis.  
 Quę sententia mihi uidetur uerior ut Græ-  
 ci Sextarium nostrum non solum <sup>ῥέσιν</sup>  
 alienam ab ipsis uocem, sed Italicā quoq;  
 Minam uocent, quæ Vnciarum nostrarū  
 quindecim sit. Quapropter Plinius, cum  
 apud scriptorem Atticum Minam reperit,  
 uertit simpliciter Libram: minimum enim  
 Libra nostra & Attica Mina differunt, ni-  
 mirum quatuor solis drachmis. At cum  
 eandem uocem ad alijs transfert, Libram  
 inquit, & Quadrātem, quod libro decimo  
 quarto, ubi de Oxy-melle, itemq; Cēchrite  
 uino agit, potest agnosci: tametsi sint, qui  
 non satis in hoc Plinium probent. Sed ipse  
 uix mihi persuadere possum, ut existimem  
 in re tam seria Pliniū nō fuisse diligentissi-  
 mum, quoties enim de mensura nō agitur:  
 sed de uasculi forma, parum refert, si pro  
 Xeste, qui Sextarius est, argenteum Cya-  
 thū dicat, aut pro Cotyledone, qui Hemis-  
 næ capax est, acetabulum, qui Oxibaphus  
 est, scribat, quoniā tunc de forma uasis, nō  
 de mensura tractatur. Sed ubi de his medi-  
 camentis agitur, quæ ex minima adiectiōe  
 diminutione uel salutem uel mortem affe-  
 runt, quis credat tanti iudicij hominem nō

Lentis se  
men.

Granu-  
lum.

Ceration

Siliqua

Therme.

Paroxis

Obolus

Gramma

Scrupu-

lum.

Coclear.

Drach-

ma.

Olea.

Carium.

Ponticū

Chyme

Stagium

Sextula

Solidus

As.

Sicilicus.

fuisse oculatissimum. Et hæc de maioribus  
mensuris, ponderibus uel sufficiant, mino-  
res paucioribus attingēde sunt. Pondus cu-  
lum minimum est lentis semen, cuius duo  
granulum tritici conficiunt, granulo huius  
modi paulo amplior est Chalcus, de quo su-  
pra dixi. Granula quatuor Ceration, id est,  
Siliquam pendunt, est & Græcis Therme,  
itemq; Paroxis pro leuissimo pondere, sex  
uidelicet, granulorum, tres Siliquæ Obo-  
lum constituunt, Oboli duo Gramma, id  
est, scrupulum, Oboli tres Coclear, Rhem-  
nio Palæmoni & Isidoro, licet interpretes Ni-  
candri quatuor dicat, quandoq; & nouem  
sed tunc de Cumulato forte intelligitur cu-  
lus et L. Columel. libro ultimo meminit.  
Oboli sex Drachmam, quæ Atticis eadem  
est cum Olea, itemq; cum eo, quod Carissū  
Ponticum uocant, eandem & cum Chyme  
uidetur existimasse Palæmon, nisi q; Chy-  
me ad mensuram. Drachma ad pondus ma-  
gis refertur. Oboli octo stagium, qui & sex  
tula Latinis dicitur, cuius pōderis est aure-  
us numus, qui Solidus in lure appellatur.  
Sunt & ex Græcis qui δηνάριον nuncupēt,  
aliud, uidelicet, pondus à nostro Denario,  
qui Drachmæ Atticæ equi pollet. Oboli du-  
odecim Assem, quæ Græci ἀσάριον dicunt  
est & Sicilicus, qui Palladio, & L. Columel-  
læ, &

lae, & Plinio lib. xvij. cap. xxxij. authori-  
 bus, duas drachmas in se habet. Obolis  
 decim Duellam Latinis. Oboli xvij. My-  
 strum paruum, quod quidam & Chymen  
 uocant, huius mensuræ nomen Latinum  
 nec Columella quidē libro ultimo, capite  
 uigesimo primo reperire potuit. Paulus ta-  
 men Aegineta Chymen quandam magnā  
 nominat, quæ sit Obolorum xxxvi. Memi-  
 nit eius & interpres Nicandri sed corrupto  
 codice, in quo uulgo legitur *μνᾶς μικρᾶς*,  
 pro *χίμας μακρᾶς ἥτοι μνστρα μακρᾶς*  
 Oboli xxij. Staterem, id est, Semunciam  
 eiusdem ponderis, cuius Mnestrō, & Siclū  
 itemq; Carium Regium, & Ectomorion,  
 & Cyathus ægyptius, & Libra Attica. Nec  
 memouet, quod Iosippus, atq; Hierony-  
 mus libro Commentariorū in Ezechielē  
 decimoquarto, Stateram, & Siclum tradūt  
 Obolus xx. pendere, quia de Atticis Obo-  
 lis intelligi debent, de quibus supra dixi,  
 nunc enim de cōmunibus Græcorum pon-  
 deribus solum loquimur. Stateres duo Vn-  
 ciam, itemq; quod Græci magnum Lytron  
 dicunt, Oboli xxxvi. Chymen magnam,  
 itemq; Mystrum magnū, Oboli xlviij. Vn-  
 ciam. Oboli lxxij. Cyathum. Vnciæ duæ  
 quibusdam id pondus constituunt, quod  
*ὀλκῆ* magna dicitur. Sed & Oxibaphus,

Duella  
 Mystrū  
 Chyme

Stater.  
 Mnestrō  
 Siclum.  
 Carium  
 regium  
 Ectomo-  
 rion.  
 Ciathus  
 Aegypti-  
 us,  
 Libra.  
 Attica  
 Lytron  
 Magnū  
 Olce  
 Oxiba-  
 phus.

Acetabulum. quem nos Acetabulū dicimus, Vncias duas habet, itemq; Obolos duodecim, quæ  
 Hemina quarta pars est Heminae, quam Corylam  
 Coryla Græci uocant, quidam ex latinis etiā Lancem. Et hæc quidem de ueterum mensuris humentiumq; & aridorum ponderibus dicta sufficiant, unde et mensurarum, quibus nos in præsentia uitmur, ratio iniri potest, Vncia enim apud antiquos eadē fuit, quæ & nūc est, cuius rei duplex est argumentū: alterum, quod Plinius libro xxxiij. capite tertio author est, aureos, qui apud ueteres didrachmales erant, xlvij. in Libra fuisse hodie uero cum noster Aureus Drachmalis sit, uidemus xcvi. in ea appēdi, & paulo plus propter Colybum & authoramentū principalis monetæ: alterū est, quod etiam num reperiūtur uetera Nomismata cū hac \* Denarij nota, eiusdem ponderis, cuius Drachma est nostra. Denarium autē idem quod Drachmam fuisse, supra docuimus: quod si qui leuiiores Denarij reperiātur, id ex intertrimēto euenit, uel quia aliqui principes propter difficultates numarias leuiore pondere eos percusserint, quod quādoq; factitatū: Plinius eodem loco author est, cuius uerba præpostere in sermonis cōtextu posita, crucem fixere Grammaticis, dum eorum intellectum nequeunt assequi,

nos

nos sic intelligendum arbitramur, cū prius  
 docuisset Denarium decem Asses ualere, &  
 quatuor Sextertios nūmos in denario esse,  
 primo bello Punico imminutum pondus  
 tradit, & tū percussos fuisse Asses dextanta  
 rio pondere, id est, duabus Vnciis minus,  
 unde & Sextantarij dicti sunt, quia Sextās  
 illis deesset, ita quinta parte facta lucri, disa  
 solutū est æs alienū. Duæ enī Vnciæ quin  
 ta pars est Dextantis, nec tamen magno de  
 trimento populi affecti sunt, ut Festus scri  
 bit, cū solum quinta pars eis abesset, unde  
 cōiicitur male, & contra ueterū codicū fi  
 dem, hūc locum ab his corrigi, qui quinque  
 partes, non quintam partem legunt, maxia  
 mum enim damnum id esset, si pro duode  
 nis solæ binæ Vnciæ restituerētur. Postea  
 Hannibale res in Italia gerēte, facti sūt Vn Vnciales  
 ciales asses, sic dicti, quod alia Vncia ultra Asses  
 Sextantem alias deminutum illis detracta  
 esset. Ita res publica dimidium lucrata est,  
 eius quod dempto Sextante lucrificiebat.  
 Mox maiore urgente necessitate, lege Papy  
 riana, Secūntiales Asses facti sūt, detractaq; Secūntia  
 etiā alia Vncia Semis, quo fit, ut p. duode les Asses  
 cim solæ septem cū dimidio penderentur,  
 qua ratione sequebatur, ut Sextertius qua  
 tuor Assibus, Denarius sedecim æstimare  
 tur, Sic ergo legenda est illa clausula, & in

suum locū restituendum, quod peruersum  
 erat, mox lege Papyriana Secuntiales asses  
 facti, placuitq; Denarium sedecim Assibus  
 permutari, quinarium octonis, sestertium  
 quaternis. Subijcit deinde Plinius, aureū  
 nummum percussū, ita ut Scrupulū ual-  
 leret Sestertios uicenos, quod efficit in Li-  
 bras ratione Sestertiū, qui tūc erat Denari-  
 os nongentos, post hęc placuit xliiij. signa-  
 ri ex auri Libris, paulatimq; principes im-  
 minuere pondus, minutissime uero ad 48.  
 Notas enim numerales iiii. itemq; iij. im-  
 periti Librarū propter similitudinē literæ  
 m, millia significare crediderunt, nec com-  
 putatio Pliniā uero abhorret, ut recentio-  
 res existimarunt. Cū enī in Libra sint Scr-  
 pula 188. sequitur ualuisse Sestertios num-  
 mos 5760. hoc est, Denarios M. ccccxl. At  
 tunc Denarij sedecim Assibus ualebant, un-  
 de si singulis diducantur, sex illi Asses secū-  
 dum æstimationem Pliniani temporis,  
 ea summa redigetur ad Denarios nō-  
 gentos, hocq; uerum esse de abaco  
 diligens ratiocinator statim de-  
 prenderet. Sed hæc hætenus.

Budari

# B V D A E I

Q V A E D A M D E M O N E T A

Græca, ad Gallicam pecuniæ  
am æstimata.

**M** Ina Græca, Drachmas centum con  
tinens, Gallico ære æstimari po  
test xviij. Francicis, & x. Solidis  
Turonensibus.

Stater, aureus Atticus, qui fuit pondere un  
ciali, par erat ualore Minæ Græce.

Drachma, pars Minæ fuit centesima, & ua  
luit tres Solidos, cum sex denariolis Tu  
ronensibus.

Didrachmum, quinquagesima pars Minæ  
æstimari potest ære Gallico septem So  
lidis Turonensibus.

Bos, pecunia Attica, similiter septem Soli  
dis æstimari potest, quia Didrachmus  
erat. Hinc illud Adagiū, Bos in lingua.  
Et, quod eiusdem sententiæ est, Bos lin  
guæ infidet.

Tetradrachmum, xxv. pars Minæ, æstima  
tur xiiij. Solidis Turonensibus.

Stater argenteus apud Athenienses, quia  
Tetradrachmus erat, eiusdem ualoris  
fuit.

Siclus item, Hebræorum pecunia, eiusdem  
ualoris fuit, nempe xiiij. solidis.



BVDAEI DE MO

DRACHME PARTES

Obolus, sexta pars Drachmæ, vii. Denarios Turonenses.

Sesquiobolus, iij. Liar, & dimidium.

Diobolus, xiiij. Denarios Turonenses.

Triobolus, vii. Liar.

Tetrobolus, ij. Solidos, iij. Denarios Turonenses.

Cistophorus, xix. Denarios, ij. Pictas, & tertiam partem Pictæ.

O B O L I P A R T E S.

Hemiobolium, iij. Denar. Turoneñ.

Semiobolus, & ij. Pictæ.

Triens, non tertia pars, uerum tres partes, siue Dodrans Oboli erat, & estimari potest quinq; Denariorum & unius Pictæ.

Chalcus, tres Pictæ & semiserat.

Dichalcus, septem Pictæ.

DE MONETA ROMANA,

& primo de Assæ æreo.

As decima pars Denarij, ualebat quatuor Turonenses Denarios, & unius Denarij Turonensis quintam.

Semis, Denarij Romani pars uicesima, ij. Denar. Turoneñ. & unius decima aestimari potuit.

Quadrans, xl. Denarij pars, æquabat unū Denarium Turoneñ. cum xl. parte sui.

Triens

Triens, xxx. Denarij pars, ualuit unum Denarium Turonen. & eius binas quintas. Sextans, xl. pars denarij, ualuit duas Pictas & unius pictæ octauas decimas.

DE ARGENTEO  
Romano.

Sestertius, siue numus argenteus, erat quarta pars Denarij Romani, tres Liar, & dimidiatum ualēs, sicut apud Græcos Sestiquiobolus.

Denarius Romanus, ita ut Græca Drachma ualuit tres Solidos, & sex Denarios.

DE AUREO  
Romano.

Aureus Romanus, pondere Didrachmali primum fuit centum numis æstimatus, hoc est, quatuor Francicis, septem Solidis, & sex Denarijs Turonensibus. Quæ admodum enim Græci Aureum suum Statera pondere Vnciali, & Argenteum Statera pondere Semiunciali, siue Terradrachmali percusserant. Sic Romani Denarium suum argenteum pondere Drachmali, & aureum didrachmali esse uoluerunt, ut apud utramque gentem aurei pondus esset duplum, si cum Argentei pondere conferretur.

Aurorum autem istorum Didrachmalium  
quatuor complebant Vnciam, octo &  
quadraginta Libram, hinc aestimantur:

X	{	Aurei	{	XXV	}	Coro-	
XX				L			natis.
XL				C			
L				C. & XXV			

Centum Aurei honorarium Aduocatorum  
olim. ccl. Coron. Verum malignitate tem-  
porum immutata moneta, factum est, ut au-  
rei excuderentur, ut leuiiores, ita & uilio-  
res, quorum sex implerent unciam, &  
lxxij. Libram. Inde aestimantur singuli  
aurei non centum, sed lxvi. nummis &  
obolo, hoc est, duo de sexaginta Solidis  
& quatuor Denariis Turonensibus. Hu-  
iusmodi aureus uocatur Solidus, hoc  
est, integer, quia eo seculo, quo hic fuit, ut  
dicitur, cursum habuit, excudebantur  
etiam minores aurei, nempe Semisses,  
qui erant Solidi dimidiati, aestimabiles tri-  
ginta tribus Sestertiis, numis & semio-  
bolo, hoc est, xxix. solidis Turonen. &  
duobus Denariolis. Item Tremisses, qui  
erant solidi tertia pars, qui poterant esti-  
mari xxii. sestertiis, & Oboli tertia, hoc  
est. xix. solidis Turonen, & quinque De-  
nariis

nariis & una tertia. Horū meminī Lam-  
pridius in uita Alexandri. Vocabatur item  
Solidus Isidori seculo, Sextula, quia sextā  
partem Vnciæ pendebat, nempe quatuor  
scrupula, siue xxiij. Siliquis. Poterit autem  
Siliqua aurei solidi estimari duobus Soli-  
dis Turonensibus, quinq; Denarijs, & uni-  
us sextaparte.

DE MENSURIS.

As primus.

Sextarius Romanus Dipondius erat, Sef-  
quicheopinam continens, cuius duode-  
cima pars fuit & Vncia Cyathus.

Cyathus, qui ut ait Hesychius, duas uncias  
liquoris capiebat.

Deunx.	xi	} Cyathi.
Dextans.	x	
Dodrans	ix	
Bes	viii	
Septunx	vii	
Hemina	vi	
Coryla		
Quincunx	v	
Triens	iiii	
Quadrans	iii	}
Sextans	ii	
Oxibaphus, Sefquicyathus.		

# B V D A E I D E

## A S S E C V N D V S.

Congius, duodecim Librarum erat, totidem Heminas capiens, hoc est, quatuor Pintas, & Cheopinam.

Lagena, Congium æquabat.

Chus, Bes Cōgij, viij. Heminae, iij. Pintæ.

Tertiarius

Chœnix

Gomor

Quartarius, Congij quadrans, iij. Heminae

Sextarius, Congij Sextans, duæ Heminae,

Sesquicheopina.

Cadus

Metreta

Decem Chongij, xlv. Pintæ.

## A S T E R T I V S

Vrna duodecim Chœnicum capax, xvij. Pintas continebat.

Modius, Bes Vrnæ, duodecim Pintæ.

Semodius, Triens Vrnæ, sex Pintæ.

Congius, Quadrans Vrnæ, quatuor Pintæ

Chus, Sextans Vrnæ, tres Pintæ.

## A S Q V A R T V S.

Modius, xij. Xestas capiebat. Xestes enim ut ex Suida colligitur, duodecima pars Modi erat, xij. Pintæ.

Semodius, quæ Græci ἐμέτρα dicere possumus, quod Semisextans medium sit, vi. Xestas, id est, Pintas continens, dicitur

tur

tur &  $\delta\iota\chi\sigma\sigma$ , quia bis Choā capiat.  
 Chus, Quadrans Modij, tres Pintæ.  
 Choenix, Sescunx Modij, Sesquipinta.  
 Xestes, Vncia Modij, Pinta.  
 Demensum, teste Donato, quatuor Modi  
 orum fuit, xlviij. Pintæ.

## A S Q V I N T V S.

Amphora, duodecim Choas, xxxvi. Pin-  
 tas continebat.

Hemimedimnus, Stannum, Cerannium,  
 Cybium.

Quadrantal, eadem cum Amphora.

Triteus, Bes Amphoræ. xxiiij.

Vrna, Semiamphora. xxviij.

Modius, Triens amphoræ xij.

Semiodius, Sextās Amphoræ. vi

Chus, Vncia Amphoræ. iij.

Culeus, uiginti amphoræ capiebat

} Pintæ

## A S S E X T V S.

Medimnus, aridorū mensura, xij. habebat.

Hemiectea, lxxij. Pintæ. Erat autē Hebræis

Batus, Dodrans Mediinni, Sesquiampho-  
 ra, xlviij. Pintæ.

Hemimedimnus, Semis Amphora. iij. Mo-  
 dij, xxxvi. Pintæ.

Triteus, Triens, ij. Modij, xxiij. Pintæ.

Hecteus, Sextans. Modius, xij. Pintæ.

Hemiectea, Vncia, Semodus. vi. Pintæ,

VNCIAE PARTE S

Semuncia	ñ	}	Pars Vnciae.
Duella	iñ		
Siciliquum	iiñ		
Sextula	vi		
Drachma	viñ		

DRACHMAE

Partes.

Scrupulum	{	iiñ	{	xxiiñ
Obolus Drachmę		vi uncie		xlviñ
Semiobolus		xñ		xcvi

Siliqua siue Ceratium, Scrupuli vi. pars,  
Drachmę xviñ. Vnciæ cxliiñ.

D 4



# GVLIELMI

BVDAEI PARISIENSIS SE-  
cretarij Regij, Breuiarium de  
Asse & partibus eius.



S, QVI ET ASSIS  
dicitur, in duodecim  
uncias distribuitur.  
As quaternos dena-  
riolos nostros ualuit  
& pauxillo plus. Sic  
fit, ut duo asses & se-  
mis, Sestertium faci-

ant, id est, caroleum nostrum & semissem  
denarioli.

Duo asses, sextans dicebantur, quod no-  
misma paruum fuit, cuius meminit Plini-  
us & Liuius.

Quadrans etiam numulus, & ualebat  
assis quartam partem, & Triens tertiam. Se-  
mis autem duos quadranteis ualebat.

Apud Græcos drachma in sex obolos  
diuisa est, & in trienteis, quadranteisq;. Ses-  
quiobolus Athenis erat Romæ sestertius.

Sestertius, & numus idem erant apud  
Romanos.

Sestertius æstimatione nostra decem tu-  
ronicis

ronicis denariolis, & semisse denarioli ualuit.

Denarius quaternos sestertios numos ualebat, hoc est, quaternos caroleos nostros, & binos denariolos turonicos, ex eo dictus denarius, quod pro decem assibus locaretur ærēis & cederet in solutum.

Sestertius ex eo dictus est, quod duos asses, & semissem ualeret. Hic Quæ ratione quaterni sestertij denarium Romanum ualebant. Et sestertius dictus, quia tertius semis est, duo sunt solidi asses, & semis, hic etiam numus dicebatur, & argenteus erat.

Libra Romana, quæ & mina, & pondo Hæc dicitur, centenos denarios, seu quod idem est, centenas drachmas habebat. Cum igitur denarius quaternos sestertios æquaret pondere & æstimatione, liquet in libra Romana quadringentos fuisse sestertios, & in duabus libris & se libra, mille sestertios: quæ ratione fit, ut sestertia singula numero plurali millenos sestertios ualeant, hoc est, duas libras, & semissem. Ut enim sestertius numus dicitur ex eo quod duos asses & semissem ualebat, hoc est duas libras æris grauis & se librā. Ita sestertia numero plu-

## B R E V I A R I U M

rali & genere neutro ideo dicuntur quod singula duas libras & semilibram argenti ualerent, hoc est, ducentos & quinquaginta denarios siue mille sestertios quod idem est Sic fit ut decem sestertia & decem milia Sestertium nummorum pro eodem ab antiquis dicerentur..

Mille sestertij æstimatione nostra uiginti quinque Coronatorum ualent. Dicitur autem mille sestertij & mille numi uel mille sestertium & mille numum uel copulate mille sestertium numum.

Cum autem mille sestertij, id est, ducenti quinquaginta denarii, duas libras Argenti & semissem ualerent. Sequitur ut libra Romana quæ & mina dicitur & pondo decem aureos coronatos ualuerit. Coronatos autem ita intelligi uolo ut singuli triginta quinque solidos ualeant quod est legitimum pretium.

Igitur decem milia numum, uel decem milia sestertium, quod idem est, ducentos & quinquaginta aureos coronatos ualebant. Hæc & decem sestertia dicuntur cum singula sestertia singula milia significant.

Decies sestertium, idem est; quod decies centena milia sestertiū, quæ summa centies

ties

ties maior est decem sestertijs. Idem enim est, decies sestertium quod mille sestertia. Cū enim singula sestertia millenos numos sestertios ualeant, si mille sestertia milies multiplices fient decies centena millia, quæ lingua uernacula milionem uocant.

Decies igitur Sestertium centies ducentos et quiquaginta aureos ualet, hoc est, uiginti quinque millia sic fiet ut milio Romanus uiginti quinque milia Coronatorum ualeat.

Hoc igitur tenere oportet quod quemadmodum cum à numis sestertijs ad sestertia genere neutro fit transitus, numerus milies multiplicatur. Ita quum ad eam locutionem uentum est, quæ per aduerbia numeralia enunciat, sestertia singula conduplicata crescunt, ut uerbi gratia. Si centum sestertia dicam centum milia sestertium intelligere debeas. Quod si cēties sestertium dicam, non iam centum sestertia, sed centies centena sestertia, seu centies centena milia sestertium, intelligendum sit.

Ut autem facilis, & obuia sit unicuique earum summarum intelligentia, quæ apud authores identidem leguntur, hoc meminisse oportet, quod sequitur, ut quæuis

# B R E V I A R I V M

summa etiam in digitos deduci possit sine  
calculis aut abaco.

Decem sestertia Ducenti quinquaginta  
aurei.

Viginti Sestertia, quingenti aurei.

Triginta Sestertia septingenti & quina  
quaginta.

Quadraginta Sestertia mille aurei.

Quinquaginta Sestertia mille ducenti  
quinquaginta.

Sexaginta Sestertia mille & quingenti.

Centum Sestertia Duo millia & quina  
genti.

Ducenta Sestertia quinque milia.

Quadringenta Sestertia decem milia co  
ronatorum Censui equestris sub Iulio Cæ  
sare.

Quingenta Sestertia, duodecim milia &  
quingenti.

Sexcenta Sestertia quindecim milia.

Octingenta Sestertia viginti milia cen  
sus Senatorius ante Augustum.

Mille Sestertia viginti quinque milia.

Mille ac ducenta Sestertia Censui Sena  
torius sub Augusto.

Notandum quod supra mille Sester  
tia Romani ferè semper per aduerbia lo  
queban

quebantur, infra mille nunquam per ad-  
uerbia loquuti sunt hoc modo.

Decies Sestertium, id est, mille sestertia,  
uiginti quinque milia.

Duodecies Sestertium triginta milia au-  
reorum. Census Senatorius sub Augusto.

Quindecies Sestertium, triginta septem  
milia & quingenti.

Vicies Sestertium quinquaginta milia.

Tricies Sestertium septuaginta quinque  
milia aureorum.

Quadrages Sestertium centum milia au-

Quinquages Sestertium cen- (reorū.  
tum uiginti quinque milia aureorum.

Sexages Sestertium centum quinquaginta milia aureorum.

Centies Sestertium ducenta quinquaginta milia aureorum tanti estimatus est  
unio Cleopatrarum

Quadringenties Sestertium. Decies cen-  
tena milia, id est, milio, milies mille, id est,  
milio, tanti estimatus est à Plinio ornatus  
Lollia.

Milies Sestertium, uicies quinquies cen-  
tena milia, id est, duo miliones & quingenta milia.

Bis milies Sestertiū. Quinquages cen-  
tena milia cēsus Lētuli auguris sub Augu

Quater milies Sestertium decem (sto

## B R E V I A R I V M

miliones dicuntur hoc est centies centena.  
Decies milies sestertium uigin= (milia.  
ri quinque miliones.

Quadrages milles sestertium centum  
miliones.

Vicies septies milies sestertium coegisse  
Tiberius dicitur, id est, sexaginta sex milio-  
nes, & quinquaginta milia aureorū coro-  
natorum, ut nostro sermone loquar.

Libra Romana in duodecim uncias & se-  
miunciam diuiditur, & uncia in octonas dra-  
chmas. Sic fit ut centenæ drachmæ libram  
& minam, seu pondo faciant.

Drachma in terna scrupula diuiditur.  
Sic fit ut sint uicena quaterna scrupula in  
uncia. Parisienses drachmam grossum ap-  
pellant, & scrupulum appellant denarium,  
& binæ drachmæ Sterlini quinque dicuntur  
id est, quadrans unciae.

Hæc de pondere dicta sufficiant.

## G R A E C O R V M S V P P V T A T I O.

Mina apud Græcos idem est quod libra  
& pondo apud Romanos. Hæc centū dra-  
chmas continebat, hoc est, ter centū denari-  
os Romanos, seu quadringētos sestertios.

Mina igitur decem aureos coronatos ua-  
luit. Et drachma tres solidos turonicos &  
semissem



semissem, quanti, scilicet, denarius Romanus æstimatus est à nobis, hoc est, quater ni numi.

Talentum multiplex fuit, ut in libro nostro latissime enarratum est, sed talentum Atticum quod plurimum celebratur ab historicis, sexaginta libras ualuit, seu minas, hoc est, sex milia denariorum, uel drachmarum, quæ sexagies denos coronatos ualent, hoc est, sexcentos.

Talentum sexcenti aurei.

Decem talenta sex milia aureorum.

Quindecim talenta nouem milia aureorum.

Viginti talenta duodecim milia.

Quinquaginta talenta triginta milia aureorum.

Centum talenta sexaginta milia.

Ducenta talenta centum milia & uiginti.

Quadringenta talenta ducenta & quadringenta milia.

Mille talenta sexcenta milia.

Duo milia talentum mille & ducenta milia.

Decem milia talentum sexagies centena milia.

Tanti funerasse Alexander Ephestionem dicitur.

Xij. sester-  
tertium  
XXiiij.  
sestertium  
Ducen-  
ties qua-  
dragies  
sestertium  
Bis mil-  
lies & q-  
dringen-  
ties ses-  
tertium

BREVIARIUM BVDAICI

DE ASSE FINIS.

S V P P T A T I O G A L L I

corum numerum ad Crucia-  
ros Germanicos.

Quinq; denarioli Turonici ualent uno  
Cruciato Athesino.

Caroleus numus ualeat duobus Cruciatis.

Coronatus aureos ualeat quatuor capitibus,  
quos testones uulgus appellat, hoc  
est, octoginta Cruciatis uel paulo plus,  
præsertim si sit solatus.

Grossus Pariensis ualeat sex Cruciatis. Tan-  
ridem ualeat Grossus Argentoratensis,  
uulgo ein schilling gros.

Solidus Turonicus, hoc est, duodenarius,  
quem uulgus Gallorum Duffenum uo-  
cat, ualeat duobus Cruciatibus ad supputa-  
tionem Basiliensem: Ad Lugdunensem  
uero duobus denariolis amplius.

Caroleus ualeat decē denariolis Turonicis.

Solidus Turonicus ualeat duodecim dena-  
riolis Turonicis, hoc est, duobus Crucia-  
(tis.

Solidus Sterlinorum ualeat tredecim dena-  
riolis Turonicis.

Supputa-

# S V P P V T A T I O A S S I S E T

Partium eius ad monetam Basiliensem.

As uel assis, res quæuis in parteis duodecim diuisa. Est autem liquidorum, ut assis uini: Ponderum, ut libra: Monetæ, ut alibi solidus, alibi Plaphardus, alibi duodenus. Hæreditas etiam assis dicitur, ut sæpe apud historicos & iurisperitos. Item Zodiacus, & omnino (ut diximus) res quam in parteis duodecim partimur. Exemplum de moneta Basiliensi.

1	Vncia	ein helbling.
2	Sextans	ein rap, aliàs ein angster.
3	Quadrans	dry helbling.
4	Triens	ein fierer.
5	Quincunx	ein krutzer, aliàs ein funfer.
6	Semis uel semissis	ein halben plaphart, aliàs ein sechser.
7	Septunx	siben helbling.
8	Bes uel bessis	ein doppel fierer.
9	Dodrans	ein halbē schuuitzerbatz.
10	Dextans	ein halbē costentzerbatz.
11	Deunx	ein lieffhelbling.
12	As uel assis	ein plaphart, aliàs ein schilling.

E

# NOMINA

MENSVRARVM AVTHORE

Philippo Melanchthone

**S**extarius in Myropolijs adhuc in usu est. Conuenit autē cum ea mēſura, quę Vuittembergę dicitur ein Noſſel ſed continet minus quarta fere parte eins Noſſels. (las.

Sextarius duas Heminas cōtinet ſeu Cotu Hemina, Cotula, Acetabulum, eadem.

Sextarius, duodecim Cyathos continet, in q̄s eū Romanitāmq; Aſſem in uncias distribu erūt. Sic accipiendū eſt illud, Neuiā ſex Cyathis, ſeptē luſtina bibatur. nā tōt cyathos bibeant in cōniuijs, q̄t literę erāt in Amaſię noīe. Et Suetonius ſcribit Auguſtum ſolitum ſenos Sextantes bibere, id eſt, ſextarium. Nam ſextans duos Cyathos cōtinet, tamq̄ duas Vncias.

Congius ſex ſextarios continet, ſeu duodecim Heminas. Congius fere drey Vuittemberg er können. (giuſeſt.

Chus octo Heminas, quibuſdam etiam Con Metreta, Cadus, idem, decem Congij.

Metreta minus aliquanto quā 30. können.

Modius ſedecim Sextarios continet.

Amphora, tres Modios, Gręce diciſ κεράμιον Medimnus, ſex Modios, ein malter.

Choenix, iij. Cotulas, ſeu duos Sextarios.

Chriſtus

Christus nuptias in Cana non tenui munere ornauit, cū uinum fecit. Nam sex Hydriæ continebāt ferè sex eymner, si singulæ capiebāt binas Metretas Nā duæ Metrete conficiunt ferè 60. kannen, si exacte mensures, quarta pars ut supra significauī, detrahenda erit.

VOCABVLA REI NUMMARIÆ.

Drachma ponderis nomē est, ein quint. Et mansit ea appellatio hætenus in Myropolīs, ubi si quis uolet expēdere partes librę, drachmę pōdus inueniet. Cum autē drachmę nomē solum ponitur, Attici semp intelligunt argenteū numum, eo pōdere. Quantū ualeat ipsum pōdus indicat ein quint sylber. Nos nō tradimus exactissimam rationē pretij, nam de hac cōsulendi sunt aurifabri. Et pretia auri atq; argenti uariant aliquantū temporibus. Potest autem inde Drachmę pretium æstimari.

Decem drachmæ ualent uno Coronato.

Octo Drachmę ualent ferè aureo Romano.

Duę igit drachmę ualēt ferè quarta aurei pte.

Denarius, teste Plinio, prorsus drachmę Atticę pōdus habet. Proinde ubiq; in historia ueteri scias drachmā & denariū idē significare, & tantundē ualere. Altera Romana appellatio fuit, altera Græca. Dicitur autem Denarius, quia ualebat decem assibus.

Decem Denarij ualent uno Coronato.

Octo Denarij ualent ferè aureo Renano.

Duo Denarij ualent ferè quarta aurei Renani parte.

As quondam æneus fuit, & significat librā æris. Quantū ualeat, estimari potest, cū denariū in decē asses partimur, ualebit em̄ As ferè tribus numulis Myforū, cū denarius ualeat circiter triginta numulis Myforū. Nē ut nunc sunt pretia auri, aliquāto plus ualeat aureus Renanus, quam octo Denarij.

As in duodecim Vncias distribuitur.

Sextans, uncia duæ, id est, sexta pars Assis,

Quadrās, uncia tres, id est, quarta pars Assis,

Fuit usitatissimus numus æneus Romæ quā tribus uncis etiā dicebatur teruncius. Martialis Sportulā, hoc est, pecuniā quā diuites cliētibus suis qui eos sectabantur, quotidie dabant, dicit fuisse centum Quadrantes.

Quadrās circiter anderhalb heller Myforū,

Triens, quatuor Vnciae.

Quincunx, quinque Vnciae.

Semissis, sex Vnciae, circiter drey heller.

Septunx, septem Vnciae.

Bes octo Vnciae.

Dodrans, nouem Vnciae.

Dextrans, decem Vnciae,

Deunx, undecim Vnciae.

As duodecim Vnciae.

As, & pondo æris, æneam libram significat, inde

inde Dupondius, id est, duo asses.

Dupondius, circiter sex pfennig Mysorum.  
Sestertius, quasi Sesquitertius, significat enim  
duos Asses & Semissem, quare & his notis  
pingitur IIS. Duæ linæ priores signifi-  
cant duo, & S. significat Semissem. Erat  
autem Sestertius genere masculino numus  
argenteus, qui ualebat quarta Denarij Ro-  
mani parte, quatuor enim Sestertij decem  
Asses efficiunt. Valet autem Denarius de-  
cem Assibus. Valebat itaq; Sestertius cir-  
citer vij. pfennig Mysorum, aut ferè gros-  
so Marchico.

Mille Sestertij ualent 25. Coronatis.

Cum nomen, numus, solum ponitur, signific-  
cas Sestertium numum.

Mille Sestertij,

Mille sestertium numum,

Mille numum, eadē, 25. coronatis.

Mille sestertium.

Ex illo genitiuo plurali facimus nomen gene-  
ris neutri, Sestertium, propter breuitatem  
abiecta uoce mille. Proinde Sestertium  
genere neutro significant 25. Coronatos.  
Idem igitur significant mille Sestertium, &  
sestertium genere neutro, Decem milia se-  
stertium, & decem sestertia. Sic & de simi-  
libus iudicabis, idq; obseruare in authori-  
bus, ualde prodest.



PHILIP. MELAN. DE PONDE.

Decem Sestertia, ccl. Coronati.

Est & alia figura, decies Sestertium. Scias igitur, quoties hoc modo addimus aduerbium numerale uoci Sestertium, oportere subintelligi centum.

Decies Sestertium, id est, decies centum Sestertia. xxv. milia Coronatorum.

Decies Sestertium, Decies mille sestertium, eadem. Nam mille alias repetitur, alias ommittitur sine discrimine, ut supra admonui. Hæc æstimatio rei nummaria testes habet certissimos, Plinium & Plutarchum, ut de ea lector dubitare nihil debeat.

Mina, Græce  $\mu\nu\alpha$ , Latine Libram significat, quæ continet centum Drachmas, ualet igitur Coronatis decem. Nam de argento usurpatur.

Obolus, numis Mysorum ferè quinq. Nam Drachma continebat sex obolos.

Octo Chalci ualent obolo Attico. Itaq. Chalcus apud Mysos plus aliquanto est, quam ein heller,  $\lambda\epsilon\pi\tau\alpha$  septem efficiunt unum Chalcum.

Talentum, sexcenti Coronati, continet enim Minas seu Libras sexaginta.

Stater, pondus est quatuor Drachmarum. Et cum de argento usurpatur, significat nummum Tetradrachmum. Nam hoc genus numorum in maximo usu fuit, & adhuc extant